

# Službene novine Federacije BiH, broj 12/18

Na osnovu odredbi člana 58. Zakona o upravljanju otpadom ("Službene novine Federacije BiH", br. 33/03 i 72/09 i 92/17), ministrica Federalnog ministarstva okoliša i turizma donosi

## PRAVILNIK

### O IZMJENAMA I DOPUNAMA PRAVILNIKA O UPRAVLJANJU OTPADOM OD ELEKTRIČNIH I ELEKTRONSKIH PROIZVODA

#### Član 1.

U Pravilniku o upravljanju otpadom od električnih i elektronskih proizvoda ("Službene novine Federacije BiH", broj 87/12, 107/14, 8/16 i 79/16) u članu 3. stav 1. iza podtačke 19. dodaje se nova podtačka 20., koja glasi:

"Domaća pravna lica su pravna lica sa sjedištem na području Bosne i Hercegovine, a inostrana pravna lica su pravna lica sa sjedištem van Bosne i Hercegovine".

#### Član 2.

Član 7. mijenja se i glasi:

"Ciljevi sakupljanja i preuzimanja otpadne opreme definisani su na period od 5 godina i isti su izraženi u postotku u odnosu na količinu opreme stavljene na tržište Federacije Bosne i Hercegovine u tekućoj godini, koju su obveznici preko ugovora prenijeli na operatera sistema, i isti iznose:

U 2018. godini: 30%

U 2019. godini: 30%

U 2020. godini: 35%

U 2021. godini: 35%

U 2022. godini: 40%"

#### Član 3.

U članu 10. dodaje se stav 6. koji glasi:

"Inostrana pravna lica, koja vrše prodaju opreme na daljinu, mogu imenovati operatera sistema sa sjedištem u Federaciji BiH, kao ovlaštenog predstavnika koji je odgovoran da se na području Federacije BiH ispunjavaju obaveze tog pravnog lica u skladu s ovim pravilnikom. Ovlaštenom predstavniku dodjeljuje se mandat u pisanom obliku".

#### **Član 4.**

Član 12. stav. 3. mijenja se i glasi:

"Vlasnici ili suvlasnici operatera sistema su:

a) domaća pravna lica koja stavljaju opremu na tržište Federacije Bosne i Hercegovine i koji su prenijeli obavezu upravljanja i zbrinjavanja otpadnom opremom na operatera sistema i/ili

b) inostrana pravna lica koja su u većinskom vlasništvu proizvođača električne i elektronske opreme ili zastupnika robne marke električne i elektronske opreme."

#### **Član 5.**

Član 13. stav 1. alineja 1. mijenja se i glasi:

- "Vlasnici ili suvlasnici operatera sistema, definisani članom 12. stav 3. ovog pravilnika, ukupno stavljaju minimalno 5.000 tona opreme godišnje na tržište Bosne i Hercegovine."

#### **Član 6.**

U Prilogu 2. koji čini sastavni dio Pravilnika tačka 5. alineja 1. iza riječi "sijalice" briše se u tekstu: osim svjetiljke u domaćinstvu.

#### **Član 7.**

"Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 04-23-1335/15  
09. februara 2018. godine  
Sarajevo

Ministrica  
Dr. **Edita Đapo**, s. r.